



Wenn ain im Altershaim duet trinke,
Kaa d Lääbenszyt um d Helfti sinke.
Doch blybt`s glych punkto Qualiteet,
Will dä jetzt alles doppled gseet.

Zerscht miesst ihr euri Händli wäschen,
ZWill mir nochhär tüen znüni ässen.
Wir tun jetzt hüt mit Frühdeutsch starte,
Seit d Lehrerin im Kindergarte.

Laufed ein Bitzchen – Birnenschnitzchen!

Der Marquart Jürg isch ganz e taffe,
DAlli meechte für ihn schaffe.
Är suecht am Fäärnsee Siibesieche,
Wo nem hinde yyne krieche.

Der Chris hebt au sis Fuudi ane.
Er duet dermit kai Job aa baane.
Nur aine wo schlächt gseet riefft munter:
S isch also doch e Glatze drunder.

S Tante Trudi wirft in d Runde:
Am Kopf isch är schüücher als witter unde.

Willsch du zue de Gscheite gheere,
WDenn kasch jetzt uff dr Einstein schwèère.
Bisch dumm, haltsch nyt vo däm Gefasel,
Denn schwèersch aifach uffs Bisch-dumm-Basel.

Wenn ä Bär in sim Revier
WGnueg z frässe het, denn bliibt das Tier.
Är goht denn nid in fremdi Länder,
Für ihn isch d Gränze wien ä Gländer.

Das seit zum Swisscom-Chef der Merz,
Als Gliichnis, nid als dumme Scherz,
Für d Telefon-Halsabschniider gits
Gnueg dummi Schoof, do in der Schwitz.

M-Budget – Prix Garantie,
Mdasch unseri Yykaufs-Melodie.
Mir syn jo gspannt, wie d Zuekunft klingt,
wenn me denn s Aldi Lidl singt.

EU Buur offeriert ganz schlau
EIm e Schwyzer Buur e halbi Sau.
Doch dä läänt ab – er syg nit dumm
E halbi Sau, die fallt doch um.

EItalo sait voller Wuet,
ED Roche raubi ytaliäänischs Guet.
Und saagi däm jetzt Tamiflu,
Derbyy haisst das Tiramisu.

Ga ga ga ga ga ga gaa
Ga ga ga ga ga ga gaa
Ga ga ga ga ga ga gaa
Ga ga ga ga ga ga gaa

Ga ga ga ga ga ga gaa
Ga ga ga ga ga ga gaa
Ga ga ga ga ga ga gaa - gong
Das isch der Vogelgrippe-Song